

欽定中樞政考

欽定中樞政考目錄卷之六

綠營

封贈

武職封贈

土司封贈

官員請給封典定限

丁憂官員准給封典

終養官員准給封典

封贈通例

金匱要略卷之二十一  
提塘差官准給封典

官員馳封彙報查核具題

封典准馳

曲阜林廟守衛司百戶請封

江南河葦各營外委協防等請封

加等捐封

遊擊都司職銜不准照加級捐封

追奪封典

勅燬失

故官加贈

武職封贈

一武職官員恭遇

恩詔一品至五品給與

誥命六品以下給與

勅命

一公侯伯封建威將軍

公妻封公妻一品

夫人

侯妻封侯妻一品夫人

伯

妻封伯妻一品夫人

仍分別一等二等三等

正一品封建威將軍

妻封一品夫人

從一品封振威將軍

妻封一品夫人

以上封贈三代

誥命四軸

正二品封武顯將軍

妻封夫人

從二品封武功將軍

妻封夫人

正三品封武義都尉

妻封淑人

從三品封武翼都尉

妻封淑人

以上封贈二代

誥命三軸

正四品封昭武都尉

妻封恭人

從四品封宣武都尉

妻封恭人

正五品封武德騎尉

妻封宜人

從五品封武德佐騎尉

妻封宜人

以上封贈一代

誥命一軸

正六品封武略騎尉

妻封安人

從六品封武略佐騎尉

妻封安人

正七品封武信騎尉

妻封孺人

從七品封武信佐騎尉

妻封孺人

以上封贈一代

勅命二軸

正八品封奮武校尉

從八品封奮武佐校尉

正九品封修武校尉

從九品封修武佐校尉

以上止封本身

勅命一軸



土司封贈

一土官恭遇

恩詔請封者該督撫查明具題准給封典

官員請給封典定限

乾隆三十一年六月內奉

上諭兵部題武職人員請給封贈一本乃乾隆二十六年十一月內所奉恩詔何以稽遲至今方行請題國家覃恩推仁中外俾人子均沾慶澤榮及其親伊等志切顯揚自應及時祇領卽所經各衙門加結轉串不嫌考核詳慎但任意延緩遲越多年不爲定以貲限於體制殊未允協再從前見各省題旌節孝每遇恩詔爲詞會降旨令各督撫採訪屬實卽經題

請旌不必沿襲具文若封贈誥勅卽更非尋常旌表  
者可比必遇朝廷有大慶典始舉行一次伊等旣得  
躬逢盛事自當恩早被恩榮乃竟觀望逾時並不卽  
爲請領揆之情理不應出此亦豈所以欽承錫頒之  
典乎所有此次應給封贈人員著該部卽行起程至  
嗣後凡遇覃恩應定以二年爲限全行辦給不得仍  
前怠緩其過期不呈請者卽毋庸頒給將此通諭吏  
兵二部及內外各衙門知之欽此

丁憂官員准給封典

雍正十三年丁月內奉

上諭朕登極恩詔內凡內外滿漢官員自一品以至九品均予封贈所以勸類敷恩遂臣子顯揚之願廟移孝作忠之風也查舊例丁憂人員不得均邀封典朕思丁憂之員乃恪遵朝廷定制自盡其爲子之情與廢斥在家告假回籍者不同況在任守制者俱得一體沾恩而丁憂之員反不邀恩以榮顯其親情旣可憫而理亦未協着該部查明伊等原官品級一併給

與封典以成孝思欽此

終養官員准封典

雍正十三年十一月內奉

諭凡官員丁憂守制者如有恩詔例不准封朕前已降旨加恩給與封典其養親同籍之員皆因父母年高棄官歸養幸逮親存適逢曠典而亦格於成例不得請封情屬可憫著將同籍終養人員照伊等原官品級一併給與封典以遂其孝思欽此

封贈通例

一請封各官品級俱以

詔下之日爲定給與封典官員遇

覃恩每任中止封贈一次除前

詔未經受封者照現任品級具題封贈外京營武職  
官員任內得有加級者俱照新加之級給與  
封典加級多者仍限以制八品以下不得踰  
七品七品不得踰五品五六品不得踰四品  
三四品不得踰二品如遇前

詔已經封過後改任者照改任封贈陞職者照陞職  
封贈調任者照調任封贈其未經調任者只  
准補請本身妻室封典不准再請貤封其陞  
授各官無論已未到任均以奉

旨

恩詔前者給與新銜封贈至題補推陞人員例應引

見以引

見奉

旨



恩詔前者准照新銜給封拔補千把外委微員以題  
准及部覆准之日在

恩詔前者千總把總照題准之日亦照新銜封贈若受  
封未領

誥軸又遇

恩詔請改新任職銜者不必具題揭送內閣改給已  
領者繳還原軸亦准改給凡患病候補等官  
不在現任者不封其在任時恭遇

恩詔後經病故或致仕者俱照原官封贈祖父父因

子孫封贈若子孫職大祖父職小者各照子  
孫官階封贈至祖父職大子孫職小者不准  
照祖父原官封贈凡父現任者不封已致仕  
及已故者准封贈有願棄職就封者聽父母  
有兩子當封者從其品大者封婦人因子封  
贈而夫與子俱有官當封者亦從其品大者  
封命婦因子孫品級受封並加太字若已故  
及曾祖祖父父在者不加凡封贈母者嫡母  
繼母所生母一體並封應封妻室者止封正

妻一人正妻未封而故應封繼妻者正妻亦  
追贈繼妻止封一人凡已經題封各官有將  
姓名履歷遺漏錯誤親身檢舉求添改者准  
其揭送內閣撰給若

詔後緣事革職及軍政降調者俱不給與

誥

勅還職者仍具題補給凡曾祖父母祖父母曾  
犯十惡姦盜除名等罪及曾經考察并緣賊  
私革職者俱不得封因公墾誤者仍許封贈

其妻非禮聘正室或再醮及婢妾亦俱不得

封

一漢世爵公侯伯子男及輕車都尉以下恩騎尉以上各世職如年未及歲在家食半俸者毋庸給與封典其年已及歲奉

旨賞給差事並發標學習者恭逢

恩詔准給封典

一軍營武職各員應請封典以凱旋回營之日爲始准其展限一年照

恩詔以前原品補給

提塘差官准給封典

一特京提塘并額設差官俱准各照原銜給與

封典

官員貤封彙報查核具題

嘉慶元年二月內奉

上諭刑部衙門因司員等懇請貤封據情代奏一摺向來遇有覃恩大小官員原准貤封但所請貤封之人如係伯叔兄長外祖等尊屬身受撫育恩慈例得推恩者自應准給封典若係疎遠戚屬姻親亦輟轉懇請貤封與例不合者豈可漫無限制其應准應駁部中自可循照定例分別核辦又何必由各衙門紛紛自行瀆奏耶嗣後內外大小官員懇請貤封者俱著

彙報吏部查核所請情節分別准駁彙題以省繁瀆  
而昭限制其有情節委曲不同者該部聲明另奏若  
有私弊許科道封奏所有本目刑部衙門奏請馳封  
一摺卽照此辦理欽此



封典准貤

一二三品官員有願將本身妻室封典貤封曾祖父母四品至七品官員有願將本身妻室封典貤封祖父母者俱准貤封八九品官員止封本身不封妻室有願將本身封典貤封父母者准其父母並封八品者母封八品孺人九品者母封九品孺人

一內外大小官員凡爲人後者已封過繼會祖父母祖父母父母有願將本身妻室封典貤

封本生曾祖父母祖父母父母者亦准其賜  
封

一內外大小官員有身受伯叔祖父母伯叔父  
母庶母兄嫂外祖父母撫育恩慈願將本身  
妻室封典賜封者亦准給與封典其餘疎遠  
戚屬姻親一概不准賜封

旌等捐封

一革職有餘罪報捐請封人員照捐復原官之  
例如問擬笞杖已經贖免者銀數酌加十分  
之二未經贖免者酌加十分之三輕徒已竣  
者酌加十分之五滿徒已竣及軍臺已滿換  
回贖回者酌加十分之六軍流贖免者酌加  
十分之八發遣新疆已經放回贖回者加倍  
如犯十惡貪污等項事故者不准捐封

遊擊都司職銜不准照加級捐封

捐納武職遊擊都司職銜俱不准其照加級

捐封

追奪封典

一官員遇

覃恩受封之後有犯貽誤軍機及貪贓革職本身所得封典俱行追奪其祖父因子孫得受封贈不必追奪至因公墾誤革職之員本身免其追奪

誥

勅燬失

一

誥命

勅命

勅書質當者革職其

誥命

勅命

勅書劄付關防等項有蟲蛀磨損或潮濕破壞染污

欽定中樞政考

卷六

封贈

主

及自行疎失者分別察議

例載處分則  
例封磨門

其破

水火盜賊燬失查有實據者免議仍准題請

重給

故官加贈

一提鎮病故奉

旨交部將應得卹典查奏者兵部查明該提鎮任滿三年并有無降罰事故本內聲明將應否加贈一級之處請

旨定奪其在任未滿三年及休致後病故者俱不加贈不必具題至於應得祭葬移咨禮部議給若提督病故未經奉

旨交部將卹典查奏者兵部隨時咨報禮部將應否



金史卷一百一十五  
議卹之處具奏請

旨至總兵病故未經奉

旨交部將卹典查奏者其加贈祭葬俱毋庸議

欽定中樞政考目錄卷之六

緣營

襲廕

漢世職承襲次序

補給恩騎尉世襲罔替准以過繼子孫承襲  
承襲公侯等學習期滿令在侍衛上行走

漢世職就近標營學習

漢世職送部引

見

世職人員題准之日作爲收標

漢世職承襲擬正陪

世襲恩騎尉准以本職頂帶作爲文武生員

應試

兼襲世職

分襲恩騎尉

恩騎尉不堪造就另請承襲

承襲恩騎尉人員情願頂帶榮身

世職告請終養

廕生改武

武職分別廕監

武職廕監

承廕難廕監生次序

緣營滿員卹廕子弟分別錄用

漢難廕人員學習期滿分別錄用

世爵犯罪

世職期滿分別內外用

漢世職承襲次序

一承襲世職令嫡長子承襲如嫡長子有故及  
患病殘廢者令嫡長孫承襲如無嫡長孫則  
令次子次孫承襲如無次子次孫方許庶出  
子孫承襲如無庶出子孫許令弟姪應承繼  
者承襲如胞弟承襲者俟生子後必繼與立  
官人爲嗣再准接襲如無胞弟以堂  
弟承襲者必繼與立官人之父爲嗣方准承  
襲生子後仍繼與立官人爲嗣再准接襲如  
以姪承襲者先儘胞姪如無胞姪方許  
堂姪均繼與立官人爲嗣方准承襲  
如族  
中並無可繼之人承襲將世職註銷

補給恩騎尉世襲罔替准以過繼子孫承襲  
一從前陣亡官員補給恩騎尉世襲罔替如無  
嫡派子孫准以過繼子孫承襲

承襲公侯等學習期滿令在侍衛上行走

乾隆五十二年五月內奉

旨奉日兵部帶領武職人員引見內承襲伯爵之趙  
曰泌一員係趙良棟五世孫現在陝甘督標學習期  
滿此項世職人員向來學習年滿後例應發往該省  
或留部皆當以副將補用副將係武職大員且可護  
理總兵設遇徵調卽有專帶弁兵之責今趙曰泌尚  
屬年輕未曾諳練若遽以副將補用於地方營伍不  
能整飭倘致貽誤轉非所以保全其祖父立功之意

伊等爵秩較大又不便改補微末將弁嗣後此項承襲公侯伯子男世職人員於學習年滿帶領引見後應令在侍衛上行走俟三年後著領侍衛內大臣看其才具如果能勝武職大員出具考語咨送兵部帶領引見再以副將等官補用如才具中平難以勝任仍令在侍衛上行走若能始終勤慎無過卽以散秩大臣補用亦無不可所有本日引見之趙曰泌一員卽照此例行欽此



漢世職就近標營學習

嘉慶五年五月內奉

上諭向來綠營出師員弁遇有臨陣捐軀者俱交部賜卹給予世職其子弟承襲引見時皆發本省督撫標下學習以期造就成材該員等雖皆係本省之人但居住原籍距省遠近不一若相離較遠者一經到標卽應常川在省學習或家有寡母及年邁祖父母在堂不無繫戀且家計貧窘者居多所得俸銀於當差之外豈能分贍其家伊等父兄俱經爲國宣勞歿於

王事自應曲加軫恤俾俯仰無憂方可專心練習嗣後承襲各員例應在本省督撫標下學習者除距省城較近之員應仍隸督撫標下學習外其距省城較遠者各就伊原籍附近各標管交該鎮將等勤加訓練每年該督撫調赴省城考驗一次俟三年期滿照例給咨送部引見酌加錄用以示朕軫念盡臣後嗣優加體卹至意欽此

一發交附近標營學習世職人員該督撫轉飭各鎮將等勤加訓練每屆年終考驗一次將

該世職等技藝優劣報明督撫以備查核俟  
三年期滿該督撫親加考驗給咨送部如有  
才技平庸停其送部將不實心訓練之鎮將  
指名叅處

一學習三年期滿世職人員并五年期滿恩騎  
尉如弓馬稍有可觀而營伍未能諳練該督

撫卽展限飭令再學習三年照例考驗

如期滿時

經該督撫考驗行走尙勤弓馬未熟咨請展  
限一年學習者准其展限如一年限滿仍未  
諳練再展  
限二年如仍不堪造就卽勒令回籍其所

遺世職另行承襲

漢世職送部引

凡

一凡應襲漢世職輕車都尉騎都尉又一雲騎尉騎都尉年十八歲以上者該督撫驗看給咨赴部兵部帶領引

見可否准其承襲之處恭候

欽定隨營効力均以三年期滿雲騎尉恩騎尉年十八歲以上者該督撫驗看題請承襲習營學習雲騎尉三年期滿恩騎尉五年期滿果能

弓馬嫻熟諳練營伍該管大臣出具考語保送到部除公侯伯子男世職令在侍衛上行走候三年後引

見可否以副將補用遵

旨辦理外輕車都尉以叅將遊擊聲明請

旨分別錄用騎都尉又一雲騎尉騎都尉俱以都司

用雲騎尉以守備用均以到營學習之日爲

始統限五年期滿後輪缺補用恩騎尉發回

本省遇有千總缺出卽行咨部拔補倘承襲

各員有不用心學習行走懶惰該管大臣奏  
明令其回籍如行止卑污題叅革退將應襲  
之人另請承襲其年未及歲者先將宗圖冊  
結查核具題請襲奉

旨准其承襲後給與半俸俟及歲隨營時准食全俸

世職人員題准之日作爲收標

一各省承襲世職人員如有收標在先題准在後者以題准之日作爲收標日期



漢世職承襲擬正陪

一襲職各員令各該督撫先儘應行承襲之人  
秉公驗看除人材堪以錄用者仍照例送部  
外如應襲之嫡長子孫人材不及卽於嫡次  
子孫內揀選一人擬陪仍照律載宗圖支派  
依次遞及毋得瞻徇倘應襲之子孫只有一  
人此外並無合例者亦令各該督撫聲明咨  
部於帶領引

見時隨摺奏

聞恭候

欽定

世襲恩騎尉准以本職頂帶作爲文武生員  
應試

嘉慶六年十二月內奉

上諭前蒙

皇考高宗純皇帝特降諭旨令軍機大臣會同部族將  
國初以來列節諸臣未經得受世職者查明賞給恩  
騎尉世襲同督仰見

皇考崇獎盡臣推恩後嗣實爲

典數隆施乾隆六十年先經軍機大臣等將在京八旗

從前殉節諸臣查奏一百四十餘員補行

賁給恩騎尉世職茲又據軍機大臣會同兵部將數年以來各省陸續咨行從前殉節諸臣九百九十餘員查明開單具奏朕詳核諸臣事蹟俱能抗節効忠成仁取義允宜賞延於世用示褒嘉所有單開各該員子孫均著加恩補給恩騎尉世襲罔替惟念該世職等承襲之後若照例概行分發各標營學習其中或有未能諳習弓馬操防者轉非成全之意所有世職人員著加恩凡遇承襲時在各本籍地方具呈分別

咨部除情願入標學習當差者仍照舊例支給俸餉  
外其有願應文試者卽以本職頂帶作爲文生員願  
應武試者卽以本職頂帶作爲武生准其一體應試  
嗣後各省凡遇應襲恩騎尉世職著照此例餘亦俱  
照所議行欽此

兼襲世職

承襲雲騎尉恩騎尉人員於未經發標學習之前及已經發標尙未期滿引

見呈請考試者俱准其以世職頂帶應試毋庸給與世職俸銀如應試數次後仍願入標學習者准其發標學習照例給俸其已經期滿引

見後不准呈改應試其由世職作爲文武生員後經中式舉人進士者仍毋庸給與世職俸銀如本係文武生員舉人進士兼襲者准給世職

金匱要略卷之二十一  
三  
俸銀如有捐貢捐監承襲世職呈請考試者  
不准食俸至捐職人員兼襲恩騎尉世職者  
准其戴用世職頂帶仍由本班銓選

一補給恩騎尉人員如願以本職頂帶作為文  
武生員并年老難以發標學習情願頂帶榮  
身者不准給俸如本係文武生員舉人進士  
並現任候補候選職官及捐貢捐監廕監兼  
襲者均給尋全俸

一兼襲雲騎尉人員如本身文職品級相等者

准其照例題請兼襲毋庸送部如本身係七品以下文職微員請兼襲五品雲騎尉世職者令該督撫先將該世職宗圖冊結送部兵部查核如係合例應襲之人行令該督撫給咨該員赴部兵部帶領引

可否准其兼襲之處恭候

定後移咨吏部辦理

一承襲騎都尉輕車都尉及公侯伯子男世職如應襲之人本係六品以上現任文職請兼



襲者令該督撫將該世職宗圖冊結送部兵部帶領引

或照例承襲發回原省學習或令其以原官兼襲之處恭候

欽定

一千總兼襲雲騎尉把總兼襲恩騎尉者於期滿後毋庸送部

分襲恩騎尉

一恩騎尉世職缺出其應襲祇有一人已經襲  
有別爵或先經襲有恩騎尉者准其一人兼  
襲俟有應行分襲之子嗣仍准其分襲

恩騎尉不堪造就另請承襲

一承襲恩騎尉發標學習後該督撫有以不堪造就難以留營學習咨部令回原籍者其所遺世職另請承襲

承襲恩騎尉人員情願頂帶榮身

一各省承襲恩騎尉人員有年力就衰不能發  
標學習者准其以世職頂帶榮身毋庸給與  
俸銀

廕生改武

一廕生改用武職者一品尙書等官及總督將軍廕生二品侍郎等官及巡撫廕生俱以都司用三品副都御史通政使等官及布政使按察使廕生俱以守備用漢子爵三品廕生以千總分別營衛用男爵四品廕生以把總用

一提督廕生以都司用總兵廕生以守備用副將廕生以守禦所千總用

金匱要略卷之六  
一廕生願改武職者文職之子具呈吏部由吏  
部咨送兵部如武職之子具呈兵部俱由兵  
部考驗弓馬技藝將年力精壯者帶領引

見恭候

欽定或用侍衛或交巡捕營學習行走或交外省督  
撫提鎮標下隨營試用三年期滿俟弓馬熟  
嫻營務通曉在巡捕營行走者該步軍統領  
帶領引

見交兵部按品銓選在外省試用者該督撫提督按

廕生改武

一廕生改用武職者一品尙書等官及總督將軍廕生二品侍郎等官及巡撫廕生俱以都司用三品副都御史通政使等官及布政使按察使廕生俱以守備用漢子爵三品廕生以千總分別營衛用男爵四品廕生以把總用

一提督廕生以都司用總兵廕生以守備用副將廕生以守禦所千總用

一廕生願改武職者文職之子具呈吏部由吏部咨送兵部如武職之子具呈兵部俱由兵部考驗弓馬技藝將年力精壯者帶領引

見恭候

欽定或用侍衛或交巡捕營學習行走或交外省督撫提鎮標下隨營試用三年期滿俟弓馬熟嫻營務通曉在巡捕營行走者該步軍統領帶領引

見交兵部按品銓選在外省試用者該督撫提督按



品題補給咨赴部引

奏候

欽定如該省無可題補之缺該督撫提督出具考語具題送部引

見留部銓選以上歸部銓選人員都司按人文到部先後補用守備守禦所千總衛千總俱歸入雙月廕生改武班內補用營千總把總五年期滿卽留於該省與隨營武舉一體較拔

武職分別廕監

一武職恭遇

恩詔賜廕提督鑾儀衛鑾儀使總兵等官各准廕一  
子入監讀書副將准送一子入監讀書

武職廢監

一武官廢子必以嫡長子如無嫡長子或雖有而患病殘廢及有別項職事則廢嫡長孫如無嫡長孫則廢次子及次孫如無次子次孫則廢親兄弟及親兄弟子孫如無親兄弟及親兄弟子孫則廢伯叔所生兄弟及子孫俱以次承廢凡恭遇

恩詔兵部題明行文各直省督撫提鎮各轉行應廢各官取具承廢之人年齒姓名文冊并親供

印結一樣二套送部兵部查核具題給與廕  
生廕監生執照年二十以上者咨送吏部照  
例辦理十五以上者移咨國子監讀書如有  
情願在家讀書者報明兵部註冊年終彙題  
詔後所生之子孫不准廕監若本官遇

恩詔曾經送子入監讀書後經陞任又遇

恩詔欲改爲廕生者如未出仕監生仍准與改廕其

先送監生原缺聽本官另送別子至本官遇

恩詔廕子後因本身緣事革職其所廕之子未出仕

者停止已出仕者不必停止若猶稍剩微志  
職銜并有世職者先經所廢廢生監生不必  
停止若廢生監生未仕而故及患病殘廢者  
仍令補廢若補廢之後又故及患病殘廢者  
不准再補若既經准廢後得官職及中科目  
者俱不准補廢

詔後所生之子孫亦不准補廢至革職官後經還原  
職者仍准還廢其革職役另行起用之官按  
其銜缺如起用時品秩相當及在原品以上

者俱准還廕如革職官後經本案開復例上  
降級調用者亦准還廕凡還廕時如原廕有  
人別無事故仍給還原廕之人如退廕之人  
殘廢病故或別經出仕中式者准其將

詔前所生之子孫復還原廕

詔後所生之子孫亦不准還廕

一革職人員本身並無剩有微職續經陣亡照  
有職人員議給世職者毋庸還廕

革職人員續經起用而銜缺小於原官其應

廢之人先行咨部註冊不准引

見俟陞擢與原官相等及在原官以上者再行辦理

承廕難廕監生次序

一軍營病故官員議給難廕監生其承廕次序

悉照

恩廕之例辦理



綠營滿員卹廕子弟分別錄用

一八旗應得卹廕綠營都司守備千總把總等  
官兵部帶領引

見奉

旨以內用者仍照例以旗員對品補用奉

旨以外用者發交巡捕營學習三年期滿該管大臣  
詳加考驗分別等第如人材弓馬堪列一等  
者留於巡捕營遇有相當缺出扣滿五年准  
其題補拔補列爲二等者咨送兵部發交直

隸總督再扣二年遇有相當之缺題補拔補  
俱按該員弁到營先後日期挨次補用列爲  
三等者由該管大臣帶領引

見恭候

欽定以上學習人員各給與馬甲錢糧一分以資差  
操如發標學習後有始勤終怠不堪造就者  
卽行勒休其自揣才力不及或以窘乏呈請  
告退者俱准其告退倘考拔不公准其呈明  
該總督嚴行究辦

漢難廕人員學習期滿分別錄用

一漢員難廕都司守備照世職分發學習之例  
帶領引

見發回本省隨營學習三年如果弓馬嫻熟請練營  
伍者送部引

見或由部選用或發回本省題補恭候

欽定難廕千總把總發營學習期滿毋庸送部其發  
回題補之都司守備並千總把總各員均以  
分發到營學習之日爲始統限五年期滿後

如果人材弓馬可觀守備以上各員核計通  
省按照到營先後日期挨次題補千總把總  
各就原發本標營按照到營先後日期挨次  
拔補仍隨時察核如有始勤終怠及庸劣不  
堪造就者卽行勒休回籍其自揣才力不及  
或以窘乏呈請告退者俱准其告退其考拔  
時仍令各該督撫提督秉公考核不得稍有  
屈抑其年未及歲之難廕千把總承廕後給  
與馬糧一分年已及歲發標學習者給與馬

糧馬乾與兵丁一體差操毋庸支俸都司守備均照漢世職之例一體食俸

一難廕衛千總承廕後年已及歲該督撫發交就近標營學習給與馬糧馬乾與兵丁一體差操學習期滿在外拔補營缺毋庸送部選補衛缺

世爵犯罪

一世爵官員有犯革職枷責者察其所犯之罪  
並非枉法婪贓侵盜錢糧等罪其所遺世爵  
應准承襲如現在無嗣亦無應襲族人俟生  
子後仍准承襲若終身無嗣該旗該督撫將

原領

勅書送部查銷

如立爵本人犯枉法婪贓侵盜錢糧等罪其所立世爵不准再襲如係立

爵人之子孫輾轉承襲遇有犯前項重罪者除本人子孫不准承襲外另揀立爵人次房子孫承襲如無次房支派准立爵人弟其世兄叔伯子孫承襲以表勲業而存血食其世

職輕車都尉騎都尉雲騎尉亦照此辦理

一世職官員遇有因公革職及患病殘廢辭退  
所出之缺並無應襲之人俟生有子嗣准其  
再行承襲

一恩騎尉世職病故或因公罪革職並無餘罪  
所出之缺准令出缺人之子孫承襲其因公  
罪革職後尙有餘罪者另據原立官親子孫  
承襲若犯貪婪一切重罪者雖有立官人之  
親子孫俱不准承襲

世職期滿分別內外用

一漢世職輕車都尉騎都尉又一雲騎尉騎都尉雲騎尉人員學習期滿送部引

見時或留部選用或發回題補之處兵部於隨摺內聲明請

旨如奉

旨留部選用者叅將遊擊都司歸於候補班內選用  
守備歸於雙月五缺後各按引

見先後選用一人如奉

欽定中脞政考

卷六

職官

七



旨發回題補者叅將掣籤發往該員隣省候補遊擊

以下人員各發回本省候補

欽定中樞政考目錄卷之六

綠營

程限

各直省武職到任限期

各直省武職到任限期

一順天府限十日

一奉天府限三十日吉林限四十五日黑龍江  
限六十日

一直隸各府統限二十日

一江蘇省淮安府揚州府徐州府海州限四十  
日江寧府常州府鎮江府京口限四十五日  
蘇州府松江府通州限五十日太倉州限五  
十五日

一安徽省鳳陽府限四十日潁州府限四十五日池州府太平府廬州府泗州限五十日安慶府寧國府滁州六安州和州限五十五日徽州府限六十日廣德州限六十五日

一山東省濟南府兗州府東昌府青州府泰安府武定府德州濟寧州限三十日曹州府限三十五日登州府萊州府沂州府限四十日一山西省太原府潞安府汾州府大同府朔平府寧武府保德州遼州沁州忻州代州平定

州綏遠城限三十日平陽府澤州府隰州限  
三十五日蒲州府解州絳州吉州限四十日  
一陝西省榆林府綏德州限四十日西安府延  
安府同州府商州鄜州限五十日鳳翔府漢  
中府邠州乾州限五十五日興安府限六十  
五日

一甘肅省秦州限五十日蘭州府鞏昌府平涼  
府階州限五十五日慶陽府寧夏府限六十  
日西寧府涼州府甘州府莊浪限七十日肅

州限八十五日安西州限一百日哈密限一  
百十五日巴里坤限一百二十日吐魯番限  
一百三十五日烏嚕木齊限一百四十日古  
城慶綏城限一百四十五日伊犁限一百五  
十八日

一河南省開封府歸德府彰德府衛輝府限三  
十日懷慶府河南府陳州府許州汝州限三  
十五日南陽府汝寧府限四十日陝州光州  
限四十五日

一浙江省湖州府嘉興府限五十日杭州府紹興府寧波府乍浦限五十五日金華府衢州府嚴州府限六十日溫州府處州府台州府限六十五日

一江西省九江府限五十五日南昌府饒州府廣信府瑞州府建昌府撫州府臨江府袁州府南康府限六十日吉安府限六十五日贛州府限七十日南安府寧都州限七十五日

一湖北省武昌府漢陽府德安府襄陽府限五

十日安陸府鄖陽府黃州府荊州府限五十  
五日宜昌府限七十日施南府限八十五日  
一湖南省岳州府澧州限六十五日長沙府常  
德府限七十日衡州府辰州府限七十五日  
寶慶府永州府永順府限八十日沅州府桂  
陽州郴州限八十五日靖州限九十日

一四川省成都府潼川府綿州限八十日寧遠  
府夔州府眉州邛州茂州限八十五日順慶  
府嘉定府資州限九十日敘州府重慶府瀘



南安徽江西甘肅浙江二十八日湖南限九  
十日四川福建限一百日廣東廣西限一百  
十日雲南貴州限一百二十日

一直隸至奉天山東山西河南限三十日江南  
湖北限五十日安徽限五十五日陝西浙江  
限六十日甘肅江西湖南限七十日四川福  
建貴州限八十日廣東限九十日廣西雲南  
限一百日

一江南至安徽限二十日山東河南浙江江西

金史卷之二十一  
湖北限三十日順天直隸湖南限五十日山西陝西四川福建貴州限六十日奉天甘肅廣東廣西限八十日雲南限九十日

一安徽至江南限二十日山東河南浙江江西湖北限三十日直隸湖南限五十日順天限五十五日山西陝西四川福建限六十日貴州限七十日奉天甘肅廣東廣西限八十日雲南限九十日

一山東至順天直隸江南安徽山西河南限三

十日浙江湖北限五十日奉天陝西  
六十日湖南福建限七十日甘肅限七十五  
日四川廣東貴州限八十日廣西限九十日  
雲南限一百二十日

一山西至順天直隸山東河南陝西限三十日  
甘肅限四十日奉天湖北限五十日江南安  
徽江西湖南限六十日浙江四川限七十日  
福建限八十日貴州限九十日廣東廣西雲  
南限一百日

一陝西至甘肅限二十日山西河南湖南限三十日湖北四川限五十日順天奉天直隸江南安徽山東貴州限六十日浙江江西雲南限九十日福建廣東廣西限一百二十日

一甘肅至陝西限二十日山西限四十日河南湖南限五十日四川限六十日順天直隸湖北貴州限七十日山東限七十五日奉天江南安徽限八十日浙江江西雲南限一百日福建廣東廣西限一百二十日

一河南至順天直隸江南安徽山東山西陝西  
限三十日湖北限四十日甘肅江西限五十  
日奉天浙江湖南限六十日貴州限七十日  
四川福建限八十日廣東廣西雲南限九十  
日

一浙江至江南安徽江西福建限三十日山東  
湖北限五十日順天直隸河南湖南廣東限  
六十日山西限七十日奉天限八十日陝西  
廣西四川限九十日甘肅貴州限一百日雲

南限一百二十日

一江西至江南安徽浙江湖北湖南福建限三十日廣東限四十日河南限五十日順天山東山西四川貴州限六十日直隸廣西限七十日奉天限八十日陝西雲南限九十日甘肅限一百日

一湖北至江南安徽江西湖南限三十日河南四川貴州限四十日順天直隸山東山西陝西浙江限五十日福建廣東廣西限六十日

奉天甘肅雲南限七十日

一湖南至江西湖北四川貴州限三十日

安徽甘肅廣西限五十日

江廣東雲南限六十日順天直隸山東福建

限七十日奉天限三十日

一四川至湖南貴州限三十日湖北限四十日

陝西雲南限五十日江南安徽甘肅江西廣

西限六十日山西廣東限七十日順天直隸

山東河南限八十日浙江限九十日奉天福

建限一百日

一福建至浙江江西限三十日江南安徽湖北  
廣東限六十日山東湖南限七十五日順天直  
隸山西河南廣西限八十日奉天四川貴州  
限一百日陝西甘肅雲南限一百二十日

一廣東至廣西限三十日江西限四十日浙江  
福建湖北湖南貴州限六十日四川限七十  
日江南安徽山東限八十日順天直隸河南  
限九十日山西限一百日奉天限一百



十日陝西甘肅限一百二十日

一廣西至廣東限三十日湖南限五十日湖北  
四川貴州限六十日江西限七十日江南安  
徽福建雲南限八十日順天山東河南浙江  
限九十日直隸山西限一百日奉天限一百  
十日陝西甘肅限一百二十日

一雲南至貴州限三十日四川限五十日湖南  
限六十日湖北限七十日廣西限八十日江  
南安徽河南陝西江西廣東限九十日直隸

山西甘肅限一百日順天限一百十日奉天  
山東浙江福建限一百二十日

貴州至湖南四川雲南限三十日湖北限四  
十日江南河南陝西江西廣東廣西限六十  
日安徽甘肅限七十日直隸山東限八十日  
山西限九十日順天浙江福建限一百日奉  
天限一百二十日